



渭南文集卷第四十五

山陰陸游務觀著

七言古詩

樓上醉歌

我游四方不得意陽狂施藥成都市起得便大瓢滿貯

隨所求聊為疲民起憔悴瓢空夜靜上高樓買酒捲簾

邀月醉中拂劍光射月往悲歌獨流涕却君山

湘水平砢却桂樹月更明丈夫有志苦難成脩名未立華

髮生真衣歌憔悴之音

弋陽縣江上



縣前奇哉一江水日暮風吹碧鱗起客恨征塵忽如洗  
不用金篦刮眸子丹楓岸邊雪色蘆下有老魚方捕魚  
欲求妙師貌畫圖王維鄭虔今世無

眉州郡譙大醉中間道馳出城宿石佛寺

玻璃春作江水清紫玉簫如雛鳳鳴漏聲不聞看燈燭  
俠氣未減欺飛鮫單車萬里信有數二年三過寧忘情  
釵頭玉茗天下瓊花一樹真虛名酒酣忽作檀公策問  
道絕出東關城清歌未斷去已遠回首城堞空崢嶸  
裘狐帽醉走馬陌上應有行人驚徑投野寺睡正美  
鼓忽報江天明無事無要寫得活動

苦笋

藜藿盤中忽眼明駢頭脫搔白玉嬰極知耿介種性別  
苦節乃與生俱生我見魏徵殊媚嫵約束兒童勿多取  
人才自古要養成放使千霄戰風雨容易得入情

蜀酒歌

漢州鵝黃鸞鳳雛不鷲不搏德有餘眉州玻璃天馬駒  
出門已無萬里塗病夫少年夢清都曾賜虛皇碧琳腴  
文德殿門展奏書歸局黃封羅百壺十年流落狂不除  
遍走人間尋酒壚青絲玉瓶到處酤鵝黃玻璃一滴無  
安得豪士致連車倒瓶不用盃與孟琵琶如雷聒坐隅



不愁渴死老相如

夏夜大醉醒後有感

少時酒隱東海濱，結交書是英豪人。龍泉三尺動牛斗，陰符一編役鬼神。客遊山南夜，皇氣頗謂王師當。入秦欲傾天上河，漢水淨洗關中胡虜塵。那知一旦事大器，騎驢劔閣霜毛新。却將覆瓿草撒手，小詩點綴西州春。素心雖願老巖壑，大義未敢忘君臣。雞鳴酒解不成寐，起坐肝膽空輪囷。

偶過浣花感舊遊戲作

憶昔初為錦城客，醉騎駿馬桃花色。二人携手上江樓，

一笑鉤廉賞微雪。寶釵換酒忽徑去，三日樓中香未滅。市人不識呼酒仙，異事驚傳一城說。至今西壁餘小草，過眼年光如電掣。正月錦江春水生，花枝闕處小舟橫。閑倚胡床吹玉笛，東風十里斷腸聲。

松驥行

驥行千里亦何得，垂首伏櫪終自傷。松閱千年棄澗壑，不如殺身扶明堂。士生抱材願少試，誓取燕趙歸君王。閉門高卧身欲老，聞雞相蹴淚數行。正令咿嚶死牀簣，豈若橫身當戰場。半酣浩歌聲激烈，車輪百轉盤愁腸。夜漏欲盡行浹浮橋，至錢清驛待舟。



潮生抹沙岸雲薄漏月明江頭曉日動鴉起人未行扶  
携渡長橋仰視天宇清遙憐繫舟人聽我高屐聲水檻  
得小憇一笑拄杖橫澄漪弄清影微風吹宿醒湛然方  
寸間不受塵事撓寄語市朝人此樂未易名

江月歌

放翁平生一釣船秋水未落江渺然露洗玉宇清無煙  
月輪徐行萬里天人間聲利何足捐浩歌看月冷不眠  
孤鶴掠水來翩、似欲駕我從此仙我寓紅塵今幾年  
俛首韉鎖常自憐樂哉揮手過月邊西風未凋玉井蓮

和伯子

齋戒扣頭戕天公幸矣使我為枯蓬枯蓬於世百無用  
始得萬里乘秋風我生安然在貧賤白髮蕭、對黃卷  
今人雖賢有不覲古人却向書中見猿啼月落寒山空  
舊隱夢寐思東蒙不願我冠赤墀下且可短劍紅塵中  
終年無人問良苦眼望青天唯自許可憐對酒不敢豪  
他日空澆墳上土文章最忌百家衣火龍黼黻世不知  
誰能養氣塞天地吐出自足成虹蜺渡江諸賢骨已朽  
老夫亦將正丘首杜郎苦瘦帽攔耳程子苦貧衣露肘  
君復着意尋齊盟始知衰懦畏後生大篇一讀我起立  
喜君得法傳家庭鯤鵬自有天地着莫謂太狂須束縛



大機大用君已傳那遣老夫安注脚

讀書

讀書四更燈欲盡宵中太華蟠千仞仰呼青天那得聞  
窮到白頭猶自信策名委質本為國豈但空取黃金印  
故都即今不忍說空宮夜、飛秋憐士初許身輩稷契  
歲晚所立慙廉藺正看憤切詭成功已復雍容託觀鰲  
雖然知人要未易詎可例輕天下士君不見長松卧壑  
困風霜時來屹立扶明堂

遊漢州西湖

房公一跌叢衆毀八年漢州為刺史逸城鑿湖一百頃

島嶼曲折三四里小庵靜院穿竹入危榭飛樓壓城起  
空濛煙雨媚松楠顛倒風霜老葭華日月苦長身苦閑  
萬事不理看湖水向來愛琴雖一癖觀過自足知夫子  
畫船載酒凌湖光想公樂飲千萬場歎息風流今不泯  
兩川名醞避鵝黃漢中酒名鵝黃  
蜀酒皆不能及

追補漢太液黃鵠歌

建章宮裏春風寒太液水生池面寬中人馳奏黃鵠下  
龍旗豹尾臨池看芹香藻暖鵠得意左右從官呼萬歲  
須臾傳詔宴公卿驩聲如雷動天地時平官省遊樂多  
黃鵠刷羽極恩波小臣珥筆龍墀下願繼前朝天馬歌



東湖仲夏草樹荒屋古無人亭午涼萱房微呀不見日  
筍箨自解時吹香野藤蟠屈入牕罅濕茵扶踈生屋梁  
跨溝數椽最幽翳漲水及檻雨敗墻靜涵青蘋舞藻荇  
閑立白鷺浮鴛鴦芙蓉雖瘦亦瀾漫照眼翠蓋遮紅粧  
水紋環筆欲卷却月團素扇嬾復將天風忽送塔鈴語  
喚覓清夢游瀟湘

草書歌

傾家釀酒三千石閑愁萬斛酒不敵今朝醉眼爛崖電  
提筆四顧天地窄忽然揮掃不自知風雲入懷天借力  
神龍戰野昏霧腥竒鬼摧山大陰黑此時驅盡胸中愁

槌床大叫狂脫憤吳牋蜀素不快人付與高堂三丈壁

臨別成都悵飲萬里橋贈譚德稱

成都城南萬里橋蘆根蘋末風蕭蕭映花碾草紅車小  
駐坡驀澗青驄驕入門翠徑絕窈窕臨水飛觀何岩堯  
判無功名著不朽惟仗詩酒寬無聊清霜早已足雉免  
微冷便欲思狐貉喜看綾翰映盤箸恨欠斫蟹加橙椒  
坐中譚侯天下士龍馬毛骨矜超遙烏犀白紵謫仙樣  
但可邂逅不可招今年一戰馘餘子風送六翮凌青霄  
美人再拜乞利市醉墨飛落生蛟綃我衰於世百無用  
十年不趁含元朝華纓肯傍蕭颯鬢寶帶那束龍鍾腰



祝君好去事明主日望分喜來漁樵遊談引類亦細事  
寄酒且解相如消

聽琴

疎簾曲檻蘋風涼細腰美人藕絲裳綠藤水紋穿矮牀  
玉指纖纖彈履霜高林鶯轉日正長幽澗泉鳴夜未央  
哀思不怨和而在有齋淑女禮自防世人但惑青樓倡  
琵琶篋篋雜胡羌試聽一曲醒汝狂文姬指法傳中郎

瑞草橋道中作

經年簿書無少暇款段今朝欣一跨瑞草橋邊水亂流  
青衣渡口山如畫老空羽醉着看龍鐘小婦出窺聞姪姪

荒陂吹笛晚呼牛古路倚梯晨採柘殘花零落不禁折  
香草丰茸如可藉郵亭慈竹笋穿籬野店蒲萄枝上架  
功名垂世端有待利欲昏心喜乘鐻窮自笑豈人謀  
閑放每欲從天借草根蟲語祇自悲風裏逢征安稅駕  
祖師補處浣花村會傍清江結茅舍

夜宿陽山磯將曉大雨北風甚勁俄頃行三  
百里遂抵鴈翅浦

五更顛風吹急雨倒海翻江洗殘暑白浪如山濺入船  
家人驚怖篙師舞此行十日苦滯留我亦蘆葦厭鳴榔  
書生快意輕性命十丈蒲帆百夫舉星馳電驚三百里



坡壠聯翩雜平楚船頭風浪聲愈厲助以長笛槌鼉鼓  
豈惟澎湃震山嶽直恐傾洞連后土起看草木盡南飛  
水鳥號呼集洲渚稽首龍公謝風伯區區未禱煩神許  
應知老去負壯心戲遣窮途出豪語

一百五日行

一百五日東郊時陂塘水滿水如絲人家青煙不禁火  
俚俗豈復思子推舊墳年多木已拱新墳積土高纍纍  
老鴉飛來復飛去紙錢雨濕掛樹枝深松茂栢死自樂  
地下應笑生人悲眼中青山身後塚此事決定君何疑  
風吹雲破日下照小灘碎礫光陸離停車暫憇道傍舍

解囊且補殘春詩

對酒懷丹陽成都故人

勞生常羨髑髏樂死時却悔生時錯花前有酒不肯狂  
回首朱顏已非昨君看古來賢達人終日飲酒全其真  
世間萬事竟何有金樽翠杓差閑身放翁少日無閑客  
飛觴縱樂皆豪傑清歌一曲梁塵起腰鼓百面春雷發  
故人仙去蓬萊宮鸞絲鳳竹舞春風石帆山下孤舟雪  
一段清愁付此翁

長歌行

我無四目與兩口但在人間更事久死生元是開闔眼



禍福正如翻覆手消磨日月幾緬屐陶鑄唐虞一盃酒  
既非狗馬要蓋惟那計風霜悴蒲柳竈突無烟今又慣  
龜蟬與我成三友判知青史無功名只用一飢垂不朽

夏白紵二首

古有四時白紵亦有止作一時者  
丙申五月在成都烈暑可畏戲作

雲母屏薄望如空水晶簾疎不礙風美人獨立何所似  
白玉芙蓉秋水中素綃細織冰蠶縷清寒不受人間暑  
晚來浴罷綠牕閑自把新詩教鸚鵡

翔鷲矯離風塵眼明見此絕代人紗牕弄筆消永日  
臨得黃庭新逼真飛樓縹緲今何夕月與玉人同一色  
下簾不為九霄寒自要玲瓏看圍壁

故蜀別苑在成都西南十五六里梅至多有  
兩大樹夭矯若龍相傳謂之梅龍予初至蜀

嘗為作詩自此歲常訪之今復賦此

昔年曾賦西郊梅茫去日如飛埃即今衰病百事嬾  
陳迹未忘猶一來蜀王故苑犁已遍散落尚有千雪堆  
朱樓玉殿一夢破煙蕪牧笛遺民哀兩龍卧穩不飛去  
鱗甲脫落生莓苔精神每遇雪月見氣力苦戰冰霜開  
羈臣放士耿獨立淑姬靜女知誰謀摧傷雖多意愈厲  
直與天地爭春回蒼然老氣壓桃李笑我白髮心尚孩  
微風故為作嫵媚一片吹入黃金壘



芳華樓賞梅

素娥竊藥不奔月化作江梅寄幽絕天工丹粉不敢施  
雪洗風吹見真色出籬藏塢香細、臨水隔煙情脉、  
一春花信二十四縱有此香無此格放翁年來百事情  
惟見梅花愁欲破金壺列置春滿屋寶髻斜簪光照坐  
百榼淋漓玉笋飛萬人辟易銀鞍過不惟豪橫壓清臞  
聊為詩人洗寒餓

遊仙

飄、鸞鶴香難攀萬里東遊海上山應有世人遙稽首  
紫簫餘調落雲間初珥金貂謁紫皇仙班最近玉爐香

為憐未慣層霄冷獨賜流霞九醞觴玉殿吹笙第一仙  
花前奏罷色凄然憶曾偷學春愁曲謫在人間五百年  
登鵝鼻山至絕頂訪秦刻石且北望大海山  
路危甚人跡罕至也

街頭旋買雙芒屨作意登山殊不惡蒼崖無罅竹鞭逸  
崩石如墜松根絡憑高開豁快送目歷險崎嶇危着脚  
川雲忽起兩蛟舞瀑水高吹萬珠落大巖空控誰所刻  
絕壁峭立端疑削坡平或可容百人峽束僅容飛一鶴  
蛇蹊岌、頭自眩鬼谷慘、神先愕秦皇馬迹散莓苔  
如鑄非鑄鑿非鑿殘碑不禁野火燎造物似報焚書虐



人民城郭俱已非煙海浮天獨如昨

短歌行

百年鼎鼎世共愁晨鍾暮鼓無休時  
碧桃紅杏易零落翠眉玉頰多別離  
涉江采菱風敗意登樓待月雲為崇  
功名常畏誇說與富貴每同衰病至  
人生可歎十八九自古危機無妙手  
正令插翮上青雲不如得錢即沽酒  
飲酒近村  
放翁睡多少行立人扶往赴鄰里集  
痛飲山花插鬢紅醉歸荆棘沾衣濕  
紗巾一幅何翩翩庭中弄影不肯眠  
莫欺以老今衰甚曾見高皇狩越年

舟中對酒

百壺載酒游凌雲醉中揮袖別故人  
依依向我不忍別誰知峨眉半輪月  
月窺船窓掛淒冷欲別渝州酒初醒  
江空裊裊釣絲風人靜翩翩葛巾影  
哦詩不睡月滿船清寒入骨我欲仙  
人間更漏不到處時有沙禽背船去  
漁翁

江頭漁家結茅廬青山當門畫不如  
江煙淡淡雨疎疎老翁破浪行打魚  
恨渠生來不讀書江山如此一句無  
我亦衰遲慙筆力共對江山三歎息

泊公安縣



秦關蜀道何遠哉公安渡頭今始回無窮江水與天接  
不斷海風吹月來批併用杜詩然亦稱船牕帘捲螢火  
關沙渚露下蘋花開批貼得清麗少年許國忽衰老心  
折花樓聞笛哀

游合江園戲題

朱白池臺間好風妍日開未殘我來覓醉苦草草  
常恨不如花意閑山雞飛起亂花落下上青林穿翠壑  
世間動步即有為常恨不如禽鳥樂人言功名恐不免  
我願徜徉娛歲晚熟計淫書理白魚何如縱獵牽黃犬  
都四郊知砥平安得雙韃馳出城鞚飛塵起望不見

從騎尋我鳴鶻聲

題醉中所作草書卷後

胸中磊落藏五兵欲試無路空崢嶸酒為我鼓筆力想  
勢從天落銀河傾端溪石池濃作墨燭光相射飛縱橫  
須更收卷復把酒如見萬里煙塵清丈夫身在要有立  
逆虜運盡行當平何時夜出五原塞不聞人語聞鞭聲

春愁

春愁茫茫塞天地我行未到愁先至滿眼如雲忽復生  
尋人似瘡何由避客中勸我飛觥壽我笑謂客君罷休  
醉自醉倒愁自愁與酒如風馬牛



梅花

冰崖雪谷木未芽造物破荒開以花神全形枯近有道  
意莊色正知無邪高堅政要飽憂患放葉何遽愁荒遐  
移根上苑亦過計竹籬茅舍真吾家平生自嫌亦自許  
妙處可識不可誇金尊翠杓未兒俗篝火為試江南茶

浣溪女

江頭女兒双髻了常隨阿母供桑麻當户夜織聲唧啞  
地爐豆豉煎土茶長成嫁與東西家柴門相對不上車  
青裙竹笥何所嗟挿髻燁々牽牛花城中妖妹臉如霞  
爭嫁官中慕豪華青驪一出天之涯年年傷春抱琵琶

八月十四日夜三叉市觀月

去年看月籌邊樓雲罅微光如玉鈞主人不樂客歎息  
清歌空送黃金舟今年看月三叉市纖雲不作良宵累  
素娥命駕掃客愁我亦傾杯邀共醉風露萬里方渺然  
冰輪無轍行碧天盈々耿々意無盡月不忍落人忘眠  
一言欲報廣寒殿茅簷華屋均相見明年萬事不足論  
但願月滿人長健

大雪歌

長安城中三日雪潼關道上行入絕黃河鐵牛僵不動  
承露金盤凍欲折虬髯豪客孤白裘夜來醉眠寶釵樓



五更未醒已上馬衝雪却作南山遊千年老虎獵不得  
一箭橫穿雪皆赤挈空爭死作牛吼震動山村裂崖石  
曳歸擁路千人觀髑髏作枕皮蒙鞍人間壯士有如此  
胡不來歸漢天子批一種夢語無不可賦

大風登城

風從北來不可當街市橫吹人馬僵西家女兒午未粧  
帳裏爐紅愁下床東家喚客宴畫堂兩行玉指調絲簧  
錦繡四合如垣墻微風不動金猊香我獨登城望大荒  
勇欲為國平河湟材疎志大不自量西家東家笑我狂

批光燄開合

過笮橋道中龍祠留留

江邊龍祠何年作白浪花中插朱閣朝暾漸上宿霧收  
喜氣已動晨霜薄我來倚闌一悵然芦花滿空如柳綿  
安得身為雙白鷺飛上灘頭却飛去

遊諸葛武侯書臺

沔陽道中草離人卧龍老矣空遺祠當時典午稱猾賊  
氣喪不敢當王師定軍山前寒食路至今人祠丞相墓  
松風想像梁父吟尚憶幡然谷三顧出師一表千載無  
遠比管樂蓋有餘世上俗儒寧辨以高臺當日讀何書

批此一句收拾書臺有味



玻璃江眉州共飲亭

玻璃江水千丈深不如江上離人心君行未過青衣縣  
妾心先到峨眉陰金尊共酌不知曉月落煙渚天橫參  
車輪無角留不住馬蹄不方何處尋批有語無意空憑尺素  
寄幽恨縱有綠綺誰知音愁來只欲掩屏睡無奈夢斷  
聞疎砧

冬夜聞鴈有感

從軍昔戍南山邊傳烽直照東駱谷軍中罷戰壯士閑細  
草平郊恣馳逐洮州駿馬金絡頭梁州毬場日打毬玉  
盃傳酒和鹿血女貢降虜彈箜篌大呼拔幟思野戰殺

余當年赤浮面南遊巴蜀已低摧猶據胡床飛白箭豈  
知蹭蹬還江邊病臂不復能開弦夜聞鴈聲嘆息來時  
應過桑乾磧

前有樽酒行

虛堂雨過生涼颼勸君一醉君勿辭去年不知今年事  
明年萬事今得知舊時扶床同戲兒還鄉問訊令人悲  
冢丘纍纍在者誰紙錢雨濕抱樹枝君去六十有幾時  
更望七十何其哀求師學道亦已遲謝客努力從鴟夷

十月九日與客飲忽記去年以時自錦屏歸

山南道中小獵今又將去以矣



去年縱獵韓壇側玉鞭自探南山雪今年痛飲蜀江邊  
金杯却吸峨眉日小竹枝歌舞新教成淒涼傳得三巴聲  
城頭築觀出雲雨峨眉正與闌干平酒酣詩就擲杯去  
醉踏玻璃江上助吟懸知幽澗斷橋邊已有梅花開滿樹  
得韓無咎書寄使虜時宴東都驛中所作小

闕

大梁二月杏花開錦衣公子乘傳來桐陰滿第歸不得  
金轡玲瓏上源驛上源驛中槌畫鼓漢使作客胡作主  
舞女不記宣和社廬兒盡能女真語書來寄我宴時詞  
歸鬢知添幾縷絲有志未須深感慨某城會據拂雲祠

唐中受降城  
在拂雲祠

晚歎

一鴉飛鳴總已白推枕欲起先歎息翠華東巡五十年  
赤縣神州滿戎狄主憂臣辱古所云世間有粟吾得食  
少年論兵實狂妄諫官劾奏當竄殛不為孤囚死嶺海  
君恩如天豈終極容身有祿媿滿顏滅賊無期淚橫臆  
未聞含桃薦宗廟至今銅駝沒荆棘幽并從來多烈士  
悒悒可令長失職王師入秦駐一月傳檄足定河南北  
安得揚鞭出散關下令一變旌旗色

志士而不能言也

同何元立賞荷花懷鏡湖舊游



少壯欺酒氣吐虹一笑未了千觴空涼臺下簾人似玉  
月色冷：透湘竹三更畫船穿藕花花為四壁船為家  
不須更踏花底藕但嗅花香已無酒花深不見畫船行  
天風空吹白紵聲双槳歸來弄湖水往：湖邊人已起  
即今憔悴不堪論頼有何郎共以尊紅綠疎：君勿歎  
漢嘉去歲無荷香以直有俠氣

### 秋聲

人言悲秋難為情我喜枕上聞秋声快鷹下鞞瓜觜健  
壯士撫劔精神生我亦奮迅起衰病唾手便有擒胡興  
弦開鴈落詩已成筆力未饒弓力勁五原草枯首管定

青海蕭蕭：風捲蓬草罷提書重上馬却從塞駕下遼東  
但能言此亦不易得

### 飲酒

陸生學道欠力量習次未能和盎：百年自笑足悲歡  
萬事聊須付酣暢有時堆阜起崢嶸大呼索酒澆使平  
世間豈無道師與禪老不如閉門參麴生朋舊年來散  
如水惟有鐫杓同生死一日不見令人愁晝夜共處終  
無尤世言有毒在麴蘖腐腸穿腸凝血脉人生適意即  
為之醉死愁生君自擇貼得英暢

### 夜聞湖中漁歌



夢回一燈醫復明臥聞湖上漁歌聲嗚嗚乍低忽更起  
娟娟欲斷還微縈初隨缺月墮煙浦已和殘角吹江城  
悲傷似擊漸離筑忠憤如撫江伊筆放臣萬里憂國淚  
戍客白首懷鄉情峽猿失侶方獨宿沙鷺垂翅猶遐征  
巴巫竹枝短亭晚瀟湘欸乃孤舟橫世間此恨故相似  
使我百感何由平

石首縣雨中繫舟短歌

庚寅去吳西遠楚秋晚孤舟泊江渚荒林月黑虎欲行  
古道入稀鬼相語鬼語亦如人語悲楚國繁華非昔時  
章華臺前小家住茅屋雨滴秋風吹悲哉秦人真虎狼

欺侮六國囚候王亦知興廢古來有但恨不見秦先王  
開樽酌汝一盃酒等為亡國秦更醜驪山冢破已千年  
至今過者無傷憐以造奇更絕遠  
勝解江靈語

陶山遇雪覺林迂庵主見招不果往赴

山中大雪二尺強道邊虎跡如梳大衰翁畏虎復畏寒  
招喚不來公勿恠梨花開時好風日走馬尋公作寒食  
不須沽酒飲陶潛箭筈蕨芽如蜜甜

對酒

美門安期何在哉河流上浙崑崙開白雲不與隱居老  
孤鶴自下遼天來春江風物政閑美綠浦潮平拖初起



暮吹長笛發巴陵  
曉掛高帆渡湘水  
世間萬變更故新  
會當太息摩銅人  
脫裘取酒藉芳草  
與子共醉壺中春

黃山塔

風吹旗脚西南開  
掛帆槌鼓何快哉  
轉頭已失望如石  
黃山孤塔迎人來  
黃山歡汝一杯酒  
送往迎來殊耐久  
明年我作故鄉歸  
還對黃山一搔首

送三兄赴奏郎

兄年十七弟始生  
弟今白髮森千莖  
所期相就畢此世  
一樽濁酒得共傾  
往年雖窮猶半菽  
兩年糠覈苦不足  
書生志欲及天下  
貧賤不得收骨肉  
過悲復恐兄意傷

忍涕不覺涕已滂  
早朝霜露衣薄願  
書此語懽或忘  
閉門病衰百無用  
日望兄歸有餘俸  
早從丞相乞湖州  
莫待異時思少游

題少陵畫像

長安落葉紛可掃  
九陌北風吹馬倒  
杜公四十不成名  
袖裏空餘三賦草  
車聲馬聲喧客枕  
三百青銅市樓飲  
杯殘商冷正悲辛  
仗內鬪鷄催賜錦

荊州歌

楚江鱗鱗綠如醲  
街尾江邊繫朱舫  
東征打鼓掛高帆  
西上湯豬聯百丈  
伏波古廟占好風  
武昌白帝在眼中



倚樓女兒笑迎客青歌未盡千觴空沙頭陌巷三千家  
煙雨冥冥開橘花峽人住多楚人少土鐺爭上茱萸茶

夜聞松聲有感

清晨放船落星石大風吹帆箭如激回頭已失廬山雲  
却上吳城看落日夜深龍歸擘祠門入木數寸留爪痕  
明朝就視心尚慄腥風卷地雷霆奔歸船買酒特自慰  
性命平生驚屢試固知神怒有定時波紋盛作魚鱗細  
如今衰病臥林垆霜覆茅簷月滿庭松聲驚破三更夢  
猶作當時風浪聽語好意

滄灘

百夫正謹助鳴榔舟中對面不得語須臾人散寂無譁  
惟聞百丈轉兩車嘔啞車聲急舟人已入沙際立  
霧歛蘆村落照紅雨餘魚舍炊煙濕故鄉回首已千山  
上峽初經第一灘少年亦慕宦游樂投老方知行路難  
次第如見千愁萬恨殊不費辭

蹋磧

鬼門關外逢人日蹋磧千家萬家出竹枝慘戚雲不動  
劔氣聯翩日初夕行人十有八九瘦見慣何曾羞顧影  
江邊沽酒沙上臥峽口月出風吹醒人生未死信難知  
憔悴夔州生鬢絲何日盡船搖桂棹西湖却去探春詩



風雨中望峽口諸山奇甚

白鹽赤甲天下雄拔地突兀摩蒼穹凜然猛士撫長劍  
空有豪氣無雍容不令氣象久停瀟常恨天地無全功  
今朝忽悟始嘆息妙處元在煙雨中太陰殺氣橫慘淡  
元化變態含空濛正如奇材遇事見平日乃與常人同  
安得朱樓高百尺看此病雨吹此風

岳池農家

春深農家耕未足原頭叱犢兩牛只犢泥融無塊水初渾  
雨細有痕秧正綠綠秧分時風日美時平未有差科起  
買花西舍喜成婚持酒東隣賀生子誰言農家不入時

小姑畫得城中眉一双素手無人識空村相喚看縲絲  
農家樂後樂不比市朝爭奪惡宦游所得能幾何  
我已三年廢東作

驛路海棠已過有感

淒涼古驛官道旁朱門沉沈春日長暄妍光景老海棠  
顛風吹花滿空廊物生憔悴固其常惜我無與持一觴  
遊蜂戲蝶空自忙豈知美人在西廂我雖已老狂能狂  
竚立與爾悲容光盛時不遇誠可傷零落逢之更斷腸

夜登江樓

平生胸中無滯留曠然獨與造物游天風駕我周寓縣



夜半忽過江邊樓，前茫茫之天地闊萬頃。月浸空江秋  
雲堆無塵，寫鶴舞玉笛裂石魚龍愁。肺肝澄徹納灑氣，  
毛髮慘慄臨寒流。世間回首真一夢，誰能更念酬恩讎。

西郊尋梅

西郊梅花矜絕艷，走馬獨來看不厭。似羞流俗蒙市塵，  
寧隨荒寒傍郊店。脩然自是世外人，過去生中羞一念。  
淺顰常鄙桃李學，獨立不容鶯蝶覘。山礬水仙晚角出，  
大似春秋吳越僭。餘花豈無好顏色，病在一俗無由砭。  
朱闌玉砌渠有命，斷橋流水君何欠。十四字吊慰嗟予  
相與頗同調，身客劔南家在剡。淒涼萬里歸無日，蕭颯

二毛衰有漸，尚能作意晚。相從爛熳不辭盃，漱灑

綿州錄參軍廳觀楚公畫鷹少陵爲作詩者

我來訪古涪之濱，不辭百用翼一真。磊落顛倒走馬朝，  
尋海樓館斫鱸夜。醉魴魚津越王樓高亦已換，俯仰今  
古堪悲辛。督郵官舍最卑陋，棟撓楹腐知幾春。歸然以  
壁獨無恙，老槎勁翮完如新。向來劫火何日免，叱呵守  
護疑有神。妖狐九尾穴中國，共置不問如越秦。大時以  
物合致用，下講指呼端在人。會當原野洒毛血，坐令萬  
里清煙塵。老眼還憂不及見，詩成肝膽空輪囷。正是作



我行山南已三日如繩大路東西出平川沃野望不盡  
麥隴青之桑鬱之地近函秦氣俗豪秋千蹴踘分朋曹  
首蒼連雲馬蹄疾楊柳夾道車聲高古來歷之興亡處  
舉目山河尚如故將軍壇上冷雲低丞相祠前春日暮  
國家四紀失中原師出江淮未易吞會看金鼓從天下  
却用閔中作本根

結起次第皆

稱

龍掛

成都六月天大風發屋動地聲勢雄黑雲崔嵬行風中  
凜如鬼神塞虛空霹靂迸火射地紅上帝有命起伏龍  
龍尾不卷曳天東壯哉雨點車軸同山淮水溢路不通

連根拔出千丈松未言為人作年豐徯觀一洗芥蒂會







廓然眼界三萬里山一螿蛭水一杯世間幻妄幾變戒  
政自不滿吾曹哈丈夫本願布衣老達士詎畏蒼顏催  
君看神君歲食羊四方處、棄骨高成堆西山老翁飽  
松麵造物賦予何遼哉此詩老氣傲兀并吞江湖

豐橋旅舍作

我是山林人心期在塵表出門消底物兩屨萬事了群  
兒何足愠為爾常悄悄今朝山中路更喜相識少三义  
市人醉爭席豐橋逆旅留饋食小婦髻髮高一尺拔聲  
軋、當戶織此詩有幼輿之達又有老子之感向其能言之甚

夏夜不寐

急雨初過天宇濕大星磊落總數十飢鷓掠簷聲磔、  
冷螢墮水光熠々丈夫無成忽老大箭羽凋零劍鋒滋  
徘徊欲睡復起行漏下三更自凭闌干立

成都行

看此詩蓋歸越之後所作也

倚錦瑟擊玉壺吳中狂士游成都海棠十萬株繁  
華盛麗天下無青絲金絡白雪駒日斜馳遣迎名姝  
脂褪盡見玉膚綠髮半脫嬌不梳吳綾便面對客書斜  
行小字密復疎墨君秀潤瘦不枯風枝兩葉蕭々殊月  
浸羅襪清夜徂滿身花影醉索扶東來此歡墮空虛坐  
悲新霜點鬢髮易求合浦千斛珠難覓錦江雙鯉魚



日出入行

吾聞開闢來白日行長空扶桑誰能到崦嵫不可窮但  
見日之升天東但見暮之入地中使我倏忽成老翁鏡  
裏衰顏垂雙蓬我願一日一百二十刻我願一生一千  
二百歲四海諸公常在座綠酒金樽終日醉高樓錦繡  
中天開樂作畫鼓如春雷勸爾白日無西頽常行九十  
萬里胡為哉

與青道人飲酒作

君不見太傅晚歲具海舟歸欲極意東山遊翰林偶脫  
夜郎謫大醉賦詩黃鶴樓兩賢窮達何足道同是逸氣

橫清秋我無一事行萬里青山白雲聊散愁有酒不換  
西涼州無酒不典鸚鵡裘不作王猛傲睨坐捫蝨不作  
甯戚悲歌起飯牛五雲覆鼎金丹熟笙鶴飄然戲十洲  
江樓吹笛飲酒大醉中作

世言九州外復有大九州此言果不虛僅可容吾愁許  
愁亦當有許酒吾酒釀盡銀河流酌之萬斛玻璃舟酣  
宴五城十二樓天為碧羅幕月作白玉鈎織女織慶雲  
裁成五色裘披裘對酒難為客長揖北辰相獻酬一飲  
五百年一醉三千秋却駕白鳳驂班虬下與麻姑戲玄  
洲錦江吹笛餘一念再過劔南應小留



醉後草書歌詩戲作

朱樓矯手隘八荒綠酒一舉累百觴洗我堆阜崢嶸之  
骨次寫為淋漓放縱之詞章墨翻初若鬼神怒字瘦忽  
作蛟螭僵寶刀出匣揮雪刃大舸破浪馳風檣紙窮擲  
筆霹靂響婦女驚走兒童藏往時草檄喻西域颯一聲  
動中書堂一朝放迹忽十載西掠三巴窮夜郎山川荒  
絕風俗異賴有酒美猶能狂醉中自脫頭上幘綠髮未  
許侵微霜人生得喪良細事孰為老大多悲傷

十月二十六日夜夢行南鄭道中既覺恍然  
攬筆作此詩成時已五鼓

秋雲兩角不可行望雲九井不可度嶓冢之山馬插天  
漢水滔日東去高皇試劔石為分草沒苔封猶故處  
將壇坡陀過千載中野疑有神物護我時在幕府來往  
無晨暮夜宿沔陽驛朝飯長木鋪雪中痛飲百盞空蹴  
踏山林伐狐兔耽北山虎食人不知數孤兒寡婦誰  
不報日落風生行旅懼我聞投袂起大呼聞百步奮戈  
直前虎人立吼裂蒼崖血如注從騎三十皆秦人面青  
氣奪空相顧國家未發遼師落魄人間傍行路對花把  
酒學醞藉空辱諸公誦詩句即今衰病卧在床振臂猶  
思備征戍南人孰謂不知兵昔者亡秦楚三戶



觀小孤山圖

江平風不生鏡面渺千里舸舳萬斛舟遠望一點耳大  
孤江中央四面峭挿水小孤特奇麗身翠凌雲起重樓  
邃殿神所家帳中美入粲如花遊人倚徙闌干處俊鷗  
橫江東北去此妙作也

龍眠畫馬

國家一從失西陲年、買馬西南夷漳鄉所產非摧奇  
邊頭歲入我番皮崔嵬瘦骨帶火印騎立欲不禁風吹  
圍人大僕空列位龍媒汗血來何時李公太平官京師  
立仗慣見渥涯姿斷續歲久墨色暗逸氣尚若不可羈

賞竒好古自一癖感事憂國空餘悲嗚呼安得毛骨若  
此三千疋嘶枚存渡桑乾蹟一談便了

步虛

是者過洛陽宮闕侵雲起今者過洛陽蕭然但荒壘銅  
駝卧深棘使我惻愴多可憐陌上入亦復笑且歌世事  
茫茫我成敗万人看花身獨在北却秋風吹野蒿古塚  
漸平新塚高

瞿塘歌

四月歌歎五月來峽中水漲何雄哉浪花高飛暑路雪  
灘石怒轉晴天雷千艘万舸不敢過篙師施工心膽破



人陰拱待勢衰誰敢輕行犯奇禍一朝時去不自由  
山腹空有沙痕留君不見陸子歲暮來夔州瞿塘峽水  
平如油

人人有此恨人人過處除只寫不  
到正坐着力

東山

今日之集何佳哉八閩劇飲始此回登山正可小天下跨  
海何用尋蓬萊青天肯為陸子見妍日似趣梅花開有酒  
如醅綠可愛一醉真欲空千壘醅酥鵝黃出隴石熊肪  
玉白黔南來眼花耳熱不知夜但見銀燭高花摧京華  
故人死大半歡極往潛生哀聊持豪縱壓幽患鼓吹  
動地聲如雷

對酒

閑愁如飛雪入酒即消融好花如故人一笑杯自空流  
鶯有情亦念我柳邊盡日啼東風長安不到十四載酒  
徒徃徃成衰翁九環寶帶光照地不如留君雙頰紅

月夕

我昔隱天台夜半游勾曲弄月過垂虹萬頃一片玉煙  
艇起菱唱松風吹釣絲更欲小徙倚恐失初平期今年  
游百城三十六峯岵白雲及在下使我毛骨寒天如玻  
黎盆倒懸濕銀海素壁行其間草木尽光彩垣娥顧我  
笑手撫玉兔兎莫恠世人生白髮秋風桂老豈無枝



醉中懷眉山舊游

勁酒少和氣哀歌無懽情故鄉不敢思登高望錦城錦  
城那得去彷彿墓廬路遙知樽前人指我題詩處我雖  
泯落夜即天遇酒能狂似少年想見東郊携手日海棠  
如雪柳如綿

青山白雲歌

青山白雲翁放浪酒中死埋骨長松根夜聽溪水松  
老會作薪骨朽會在塵但留千載狂名在知我他年自  
有人

聞婆餅焦

黃泥嶺松森幽鳥穿枝時一吟汝聲一何悲汝語悞  
我心連村麥熟餅餌香我母九泉那得嘗



渭南文集卷第四十七

山陰陸游務觀著

五言律詩

即事

樽酒如江綠春愁抵草長  
但令閑一日便擬醉千場  
柳弱風禁絮花殘雨漬香  
客遊還役心賞竟茫

溪行

蓬翁鳴春雨帆蒲掛暮煙  
買魚尋近市覓火就隣船  
愁臥醒還醉灘行却復前  
長年殊可念力盡逆風牽

寓歎

水雨味寒



小雨初涼夜殘燈欲暗時病多愁近雨心弱怯題詩舊  
友殊方少歸耕晚歲宜回頭顧孤影此意有君知

峽州甘泉寺

江上甘泉寺登臨擅一州山亭喜無恙老子得重遊灘  
急常疑雨林深欲借秋歸途更清絕倚仗喚漁舟

獨立

獨立柴荆外頽然一秃翁亂山吞落日野水倒寒空憂  
患工催老飄零敢諱窮漁歌亦何恨悽斷蒲西風

病中

風雨暗江天幽窓起復眠忍窮安晚境留病壓炎年交

助修琴料僧分買葉錢餘生均逆旅未死且陶然

一室

九萬笑鵬搏幽居一室寬雨声便早睡酒力壓春寒  
覺閉多味衰知死有緣此生吾自斷不必夢邯鄲

春晚苦雨

垂老卧村墅餘寒欺病身雞猶未忘旦雨欲不容春  
忽花時過茫茫草色勻尊絲已上市一飯未傷貧

客有見過者既去喟然有作

髮毛俱白盡事不補秋毫去死今無幾歸耕何足高已  
如陶止酒徒勸屈鋪糟惟有滄溟去揚帆看雪濤



致仕後述懷  
生理雖貧甚帽頗浩然常尋問字酒屢却作碑錢寧有  
駱堪鬻况無車可懸小頃梅雨霽散髮醉江天

孤村

老寄孤村裏悠然臥曲肱  
等貧先放鶴嫌市井踈僧古  
戍高秋笛寒窓半夜燈  
平生羞詭遇多護豈吾能

遊山

病退行猶倦山坡每少休  
高枝聞鵲語淺瀨見魚遊  
偶有堪乘興元無可遣愁  
悠然又終日爭路有歸牛

春日

車馬閑中絕衣襦病後寬  
改詩消晝永餘酒敵春寒  
柳細槎難似花新染未乾歸  
鴻與來燕各自管悲勸

醉賦

霜楓照茅屋露菊挿紗巾  
今古無窮事江湖未死身  
直令依馬磨終勝拜車塵  
我亦輕餘子君富恕醉人

小園

蕭散遺塵事栽培得小園  
土鬆花意活林暖鳥言繁  
殘醉供晨鉢菹芹薦晚樽  
餘年君莫問送老向孤村

舟中作

沙路時晴雨漁舟日往來  
村村皆畫本處處有詩材  
炊



黍孤烟晚呼牛一笛哀終身看不厭岸慎與悠哉  
歲晚書懷

殘歲堂去新春鼎來夢移鄉國近酒挽壯心回暖  
律初催柳晴光併上梅東湖有歸日衰抱得貧閑

野興

有酒皆堪醉無山不可廬遂初成近賦孤憤悔前書湘  
寺分經帙廬山寄藥鋤江頭霜葉滿詩興屬騎驂直

雨後涼甚

並海寬聞野清秋搖落天微涼供美睡  
屋簷雨脩筒細泉晚愔生酒只洗酌一陶然

月夜江瀆池納涼

微徑荒城曲叢祠野水邊月能從我醉  
數黏螢草遙聞米炙船熱官那有此留滯莫尤天  
風欲駕人仙靜

長汀道中

晚過長汀驛溪山乃尔奇老夫惟坐肅  
造物為陳詩鳥送穿林語松垂拂澗枝憑鞍久忘發不  
是馬行遲

病中作

一病二十日直愁難自還殘書不成讀  
長晝只供閑風舞迎霜葉雲昏欲雨山臨愔忽自笑詩  
思又相關

冒雨登擬峴臺觀江漲



雨氣昏千嶂江聲撼萬家雲翻一天墨浪蹴半空花噴  
薄侵虛閣低昂泛斷槎壯遊思夙昔乘醉下三巴

春雨

春愁無處避春雨幾時晴黯黯陰連月  
滴到明  
昏減書課絃緩咽琴聲何以娛幽獨新  
皓手自傾

有叟

有叟鏡湖邊茅茨八九椽憑闌秋萬里閉戶醉經年身  
外浮名小胸中浩氣全此身吾自判造物恐無權

六月十四日微雨掠涼

胡上清秋近齋中白日長雲來樹收影酌過土生香蓮

小紅衣濕瓜甘碧玉涼晚來幽興動移榻近方塘

夜雨

寒雨連三夕幽居只數椽家貧輕過節身老怯增年日  
月悲歌裏閉山淚眼邊梅花自開落歎息為誰妍

悶極有作

貴已不如賤狂應又勝衰新寒壓酒夜微雨種花時堂  
下藤成架門邊枳作籬老人無日課有興即題詩

春晚雜興

池面萍初紫牆頭杏已青携兒撐小艇留客坐孤亭相  
法無候骨生年直酒星正須遺萬事莫遺片時醒



自述

二畝新蔬圃三間舊草堂病除身小健秋近夜微涼薄  
酒時醒醉殘書半在忘老懷常自笑無事忽悲傷

梅天

稍隴移初遍梅天澁未晴輕陰昏茗色餘潤咽琴聲時  
傍菱塘立還尋沙徑行杜門終此世更誓未來生

獨夜

燈花寒自結雪片夜方深瘦影參危坐清愁入苦吟江  
湖身汗漫藥石病侵尋朋舊凋零盡何人識此心

遊雲門諸蘭若

花過木陰合溪雲生  
午行響白水鷺下點青秧古

寺宛如昨釋松森已行耆年不下榻童子為燒香

舟上夜坐

風露浩無際星河淡欲傾遙知並船客聞我詠詩聲水  
鳥橫江去魚舟背月行神清不成寐隱几待牕明

欲行雨未止

幽慢依燈影空階送雨聲暫歸仍客路投老倍鄉情眼  
澁書難讀心搖夢易驚病多猶怕醉酒盡却思傾

池亭夜坐

池上小亭幽清宵秉燭遊荷盤時寫露螢草草早知秋有



感歲時速無声河漢流五字甚氣鬼殊方不堪住歸夢  
逃滄洲

小舟過吉澤効王右丞

澤國霜露晚孤村煙火微本去官道遠自然人迹稀木  
落山盡出鍾鳴僧獨歸漁家閑似我未夕掩柴扉

雪霽過千秋觀

縱轡不嫌遠逢山猶一登夕陽波渺渺殘雪塔層層折  
竹橫遮道飢鳥下啄冰欲歸還小駐倚杖對峻嶒

晨起

小雨濕清曉新鶯啼早春年光驚病眼節物屬閑身已

峽東連海嶠山北控秦遠遊端可繼敢恨素衣塵

幽居

早歲猶竒恠中年痛掃除華堂棋陸廢名馬宴游疎散  
快身六倦畦蔬手自鋤寥々千載後誰此訪幽居

聞角

小閣柴門近黃昏畫角声時々逐風散嫋々伴愁生天  
地清秋暮閉河殘月明湖南賊未破獨立久含情

寄楊濟伯

聞道皇華使來從萬里回五溪春薺老三峽暮猪衰昔  
日文昌省頻年澆瀕堆問君何地險斟酌寄声來



小雨

細濕春光霏，破夕陽臥聞驚倦枕起看入虛堂映  
葉鶯猶轉爭泥燕正忙閑愁無遣處誰與共飛觴

寄張真父舍人

諸公方衮，無地着斯人。萬里夔州守中朝禁省臣孤  
帆秋上峽五馬曉行春想見懷明主登臨白髮新

送仲高兄官學秩滿赴行在

兄去遊東閣才堪直北扉莫憂持橐晚姑寄乞身歸道  
義無今古功名有是非臨分出苦語不敢計從違道義  
功名固是名言結得諄至更好它集少見

夜夢從數客雨中載酒出遊之長安

有酒不謀州能詩自勝候但須繩繫日安用地埋憂射  
雉侵星出看花秉燭遊殘年杜陵客不恨濕貂裘

統分稻晚歸

薄酒不自酌夕陽須汝歸菊花霜後美豆莢雨中肥路  
遠應加飯天寒莫減衣老懷憂日切道眼看皆非

題江陵村店壁

青旆三家市黃茆十里岡蓬飛風浩、塵起日茫、馳  
騁多從獸鉏耨少破荒行人相指似此路走襄陽

移船



沙際舟街尾相依作四隣莫年多慷慨萬里亦悲辛容  
易吐得徹折竹占行日吹簫賽水神無勞問亭驛久客  
自知津

鹿門閑過龐士元祠

士元死千載淒惻過遺祠海內常難合天心豈易知英  
雄今古恨父老歲時思蒼蘚無情極秋來滿斷碑  
此四句多少凄惻

上元前一日

異縣客遊久今年春事遲峭寒增酒價微雨惱燈期看  
此老下字老態人未覓孤愁心自知停車呼病婦強出

韋布還初服蓬蒿臥故廬所慙猶火食更恨未巢居叱  
叱驅黃犢行行跨白馱交親各強健不必問何如

春晚雜興

池面萍初紫牆頭杏已青攜兒撐小艇留客坐孤亭相  
法無侯骨生年直酒呈正須遺萬事莫遣斤時醒

暮春二首

季子黃金盡安仁白髮新無情五更雨便送一年春難  
續西樓夢空存北陌身海棠應自舊惆悵有成慶  
綠葉枝頭密青蕪陌上深江山妨極目天地入孤吟身  
已雙蓬鬢家惟一素琴世情君莫說頭痛欲岑岑



小舟遊西涇渡江西而歸

小雨重三後餘寒百五前聊垂瓜蔓水閣泛水蘭船雪  
暗梨千樹煙迷柳一川西岡夕陽路不到又經年

初春雜興

水長鷗初泛山寒茗未芽深林聞杜鼓落日照魚家渡  
遠呼船久橋傾取路斜客愁慵遠眺不是情風沙

中春偶書

鄰曲祈蠶候陂塘浸種時春寒薪炭覺雨霽鼓鍾知驢  
瘦衝泥怯魚驚食釣遲意翁一味懶耕養愧吾兒

北齋書志示白八輦

初夏佳風日頹然坐北齋百年從魄萬事忌安排鄉俗  
能尊老君恩許賜骸飢寒雖未免何足繫吾懷

五月初作

鄰舍春新麥家人拾晚蠶推移逢夏五賦與嘆六朝三遣  
日須棋局忘飢賴酒甌幽居有高致多取未為貧

梅市道中

雨暗山陂路人喧北渡頭廟垣新畫馬村笛遠呼牛買  
飯諳爭席迎湖競解舟平生苦吟處又送一年秋

秋夜紀懷

壯年垂綉蒼明河浮太清風林一葉下露草百蟲鳴病



入新涼減詩從半睡成還思散關路炬火驛前迎

舍北搖落景物殊佳偶作五首

今年冬候晚仲月始微霜野日明楓葉江風斷雁行窮途多籍躡老景易悲傷自笑詩情懶蕭然舊錦囊路擁新霜葉溪餘舊漲沙棲鳥初滿樹歸鴨各知家世事元堪笑吾生固有涯南村聞酒熟試遣小童賒小聚鷗沙北橫林蠓舍東船對眠醉叟牛背立村童日落雲全碧霜餘葉半紅窮鱗與倦翼終勝在池籠屋角成金字溪流作縠紋斜通小橋路半掩夕陽門孤艇衝煙過踈鍾隔塢聞杜門非獨病實自厭紛紛

半徑人稀到柴扉手自開林疎鴉小泊溪淺鷺頻來庭角除瓜蔓墻隅斲芋魁東鄰膳肉至一笑舉新醅

殘臘

殘臘無多日吾生又一年林塘明夕照墟落淡春煙山色危欄角梅花綠酒邊歲時元自好老病獨凄然

初寒獨居戲作

開殼得紫栗帶葉摘黃柑獨臥維摩室誰同彌勒龕宗

文杜子美樹雞柵靈照龐居士挈蔬藍一段無生話燈

籠自可談

晨起



晨起梳頭懶披衣立草堂霧昏全隱樹氣暖不成霜灘  
急回魚隊天低櫬鴈行新春猶一月已竟日微長

五鼓不得眠起酌一杯復就枕

棲冷鷄聲咽窓深燭焰明流年容易過華髮等閑生濁  
挹連醕酒香槎帶葉橙殘骸付嘒蟻汗簡更須名

辛酉冬至

今日日南至吾門方寂然家貧輕過節身老怯增年註

鄉信謂喫盡至飯畢祭皆扶拜分盤獨早眠惟應探春

夢已繞鏡湖邊

甲子元日

夜雨解殘雪朝陽開積陰桃符呵筆寫椒酒過花斟巷  
柳搖風早街泥濺馬深行宮放朝賀共識慕堯心

甲子元日

飲罷屠酥酒真為八十翁本憂緣直死却喜坐詩窮米  
賤知無盜雲霧又主豐一簞那復慮嬉笑伴兒童

清明

氣候三吳異清明乃爾寒老增丘暮感貧苦道途難燕  
子家家入梨花樹樹殘一春回首盡懷抱若為寬

上巳

殘年登八十佳日遇重三簾幕低垂燕房攏起晚蚕名



花紅滿舫美醞綠盈甌春事還  
如昨衰懷自不堪

醉中作

宦遊三十載舉步亦看人愛酒  
官長罵近花丞相嗔湖  
山今入手風月始關身少吐  
胃中氣後教白髮新

雪中二首

春晝雪如筵清羸病起時跡深  
驚虎過煙絕憫僧飢地  
凍萱牙短林深鳥哢遲西窓斜  
日晚呵手斂殘棋  
忽忽悲窮處悠悠感歲華暮雪  
如潑墨春雪不成花  
眼澁燈生暈詩成字半斜殘樽  
已傾盡試起問東家

小雪

夜卧風號野晨興雪擁籬未言  
能厭瘴要是欲催詩跨  
蹇雖堪喜呼舟似更奇元知剡  
溪路不減灞橋時

大雪月下至旦欲午始晴

薄暮雪雲低清霄意慘悽方聽  
打窓急已報與堦齊疎  
箔穿飛蝶空庭聚戲規新晴思  
訪客愁絕滿城泥

夜中步月

夜半不成寐起尋微月行風生  
驚葉墮露重覺荷傾兀  
兀酒中趣悠悠身後名興闌還  
掩户坐待日東生

題齋壁

皞皞大平民堂堂大羣身乾坤一  
旅舍日月兩輪輪衰



貴超三品蔬甘敵八珍明年真耄矣爛醉海棠春  
力穡輸公上藏書教子孫追遊屏裘馬宴集上鷄豚寒  
士邀同學單門與議婚定知千載後猶以陸名村

自述

古井無由浪浮雲一掃空詩書修孔業場圃嗣豳風懼  
在飢寒外憂形夢寐中吾年雖日逝猶冀有新功  
舊業還耕釣殘年逼老期筋骸衰後竟力量夢中知客  
約溪亭飲僧招竹院棊未為全省事終勝宦遊時  
屏跡歸休後願生寂寞中忍負辭半俸學古得全功西  
埭村醅釀東坡小約通經行有佳趣稚子也能同

書適

老翁垂七十其實似童兒山菓啼呼覓鄉儻喜笑隨群  
嬉累瓦塔獨立照盆池更挾殘書讀渾如上學時

幽事

日日營幽事時時有好懷兩園殘竹粉風砌落花釵伴蝶  
行苔徑聽蛙傍水涯窮通了無謂不必更安排

葺圃

種樹書頻讀齊民術屢窺曾求竹醉日更問柳眠時盧  
橘初非橘蒲葵不是葵因而辨名物甘作老樊遲

幽事



憂事春來早晨興即啓閨掃梁迎燕子挿棧護龍孫數  
日招賓友先期辨酒樽淋漓衣袖濕不管漬春痕

北檻

北檻近中堂緣堦物自芳晨清花拱露地僻蘚侵廊坐  
久時開卷吟餘或炷香終朝無客至一枕到羲皇

遊山

蕭鼓湖山路天教脫鬲機蟬聲入古寺馬影渡荒坡樵  
唱時傾耳僧談亦解頤偏門燈火鬧不敢恨歸遲  
古寺不來久入門空嘆嗟僧亡惟見塔樹老已無花世  
事雖難料吾生固有涯殷勤一梳月十里伴還家

巢山

巢山避世紛身隱萬重雲半谷傳樵響中林過虎群蟲  
鏦葉成篆風戲水生紋不踏溪橋月僊凡自此分

短髮巢山客人知姓字誰穿林双不借取水一軍持渴  
鹿群窺澗驚猿獨掛枝何曾蓄筆硯景物自成詩

孤學

孤學雖遺俗猶為一腐儒家負占力量夜夢驗工夫正  
欲安三逕寧忘奏六符殘年知有幾自怪尚區區

哭開孫

學步漸扶床乘車已駕羊虛稱砌臺史不遇玉函方香



杳天難問茫茫夜正長  
寂寥誰伴汝  
蘭寺閉空房

病中作

破裘縫更暖  
糲食美無餘  
摩詰病說法  
虞卿窮著書  
身羸支枕久  
足蹇下堂踈  
今日晴窓好  
幽懷得細摠

臥病雜題

終日常辭客  
經年半在床  
愛窮留作伴  
諳病與相忘  
竈婢工烹粥  
園丁習寫方  
今朝有奇事  
久雨得煦光  
人間跛男子  
物外病維摩  
元註病中遂  
率病古足但可妨  
趨拜何因  
廢笑歌  
菜羹醯醬薄  
村巷棘茨多  
舉手謝隣父

誰肯過

巢山



